

堪與西閭物所克方而長而養一氣融方人惟法天
浩焉同方順以象觀四陰內証惟養之以中正不我
舍而彼從是以得終吉而在躬洪公孕秀海山沉樵
其材足以經制其量足以含弘贊翊樞務既貞且忠
故謀謨應事機之會談笑折尊俎之衝不恃全美方
致養以為功果我枵腹以正以冲虎耽其視而始而
終見寒思煦恐邊衣之未備寸膚失養念一士之或
瘠扁吾軒而外飾起居飲食在日用常行之中吾將
養已以及物致事業於無窮是知大易迺萬世之龜
鑑尚何俟授一編於圮上之翁也

愛菊堂銘

草木之品色中氣清有隱逸之稱唯菊為能含精益

齡晚而芳馨又類夫君子退讓而不爭圮橋老仙友
而堂名雖墮履之弗進亦足以卜幽人之永貞華構
傳芳三世相仍其孺慕也孝凝然心深而愛中樂不
勝口欲言而不能自鳴者此郭氏之所以尋盟也若
夫平泉草木固護封植亦克厥承是或一道終未極
愛之之至情親存親沒觀志視行曰如其道終身是
程嗚呼郭君至性愉色豈得於尹氏者拳拳而服膺
吾今取為銘以告草堂之靈安知不入戶聞愾然之
聲也邪

虹霓硯銘 并序

趙太博彥伯出示紫石大方硯請銘余
以石有奇雯類虹霓然因以字之銘曰

蒼梧雲蒸九疑濕碧海風濤翻出日江山通秀鬱紫
煙產此珍材比玉德金瓏繞腹泄精英電激神光掣
蛟室雌霓斷影飲丹池暮雨連蜷一千尺號泣鄴瓦
稱善墨石中乃有此奇質子墨客鄉尤所惜大奇多
自米家船入手摩挲三嘆息趙君文采珊瑚鈎禮樂
縱橫供彙筆左招協律揖遜通出入英莖五音飭

楊氏雕玉寶章銘

并序

故參政楊公之子勗家藏漢雕玉印章二方者丞相
吉圓者太尉震也其博陽章即乃祖息軒所傳故物
大定十二年崔憲可詩序云長安許惟寧以是博秘
監畫于闐花驄圖得之嗚呼二公以通明正直師表
兩漢今去千餘載其風烈凜然思其人而不得覩物

增慨乃為作銘士桓博雅好古今為集賢直學士庶
幾能紹其家風者

漢丞相博陽侯丙吉印銘

吁室章纜寸許紐玄龜縮漢祖隸為刻見邈祖神物
護照千古此何夕得摩汝恍坐我丞相府初望氣郡
邸園詔夜殲拒戶樞是虽天公可無偃柳興將舊圖
乳襟恩其可辜獄有牘秘不舒是章絨金滕如婦有
數子與俱十襲藏无太踰防有光夜衝閭六丁取媿
貞符在博陽宜特書

漢太尉司徒楊震印銘

伊弘農漢巨儒道自任聖為徒主鱸堂閱群書表氏
諱茲為符位台鼎縮國樞赫漢炎走羣羆堂堂氣忠

義軀四知金屬貪夫殆是章玉不渝內寵橫括人殂
與雀環瘞幽墟見白日婦子裕世失系紛莫區伊莘
楊豈公葶苟不爾胡為乎致大鳥止立隅淚如雨洗
冤誣佩之行可舍諸我作銘此嘻嗟

張指揮甘白堂銘

我識先帥于清之野緩帶輕裘投壺歌雅伊時張君
侍立親傍虎豹在穴已炳其章及將羽林肯構其堂
榜以甘白干光有光試嘗論其言論諒天姿之殊常
是將調和衆味羹傳鼎之美邪彰施五彩締上公之
裳邪噫吾說已竟必一丘於此恐德業之未易量也

忍濟齋銘

改作為楊子英題

多變而莫測者事機淺深殊跡而難度者人心善惡

我據事會忤激交作彼以機成客氣外錄或當懲而
乃恣可理遣而反愕隘不自容事安能若因小端而
致大亂又奚翅九州之鐵而鑄一錯也理貴含私量
崇獲落功若與即是心先作言不可出我舌為辭故
堅伺桓門者收康濟之功俛出勝下者辨戲定之畧
宜成王之戒君陳見周書之噩噩

海印奎星研銘

宋 秘監弘道索賦詩被

東宮旨編節世宗寶錄

奎麗空文之宗秀孕石與歛逢礪而研以類從海有
瀾穹浮蓋印文光終古在拱前星問有待靈玄雲集
毫彩酌前言作帝誠

歎石壁研銘 并序

至元癸未歲正月二日謁左山先生坐
間出茲硯示客僕以形質異常略狀數
語公喜甚曰汝言殊有契予心者吾子
其為我銘之銘曰

玉德而金聲毅紋而紺理湛兮虛見明生於旁魄恍
兮惚疑壁投於山鬼玄雲橫馭風生燕几顯諸用起
經綸於心上發餘輝縮秋地於筆底是則公事業之
美也我將靜濯碧空洞徹表裏觀春雨之散絲似商
霖之復起也

醉仙石銘 為韓通甫作

爬騷蔓緣躡驚跛化而醉仙蓬首不異傾歌落魄

對客裡裸惟不適用得脫秦火照桂樹之秋香普故
宮之青鎖推墮人間無不可頑碧凝蒼肩神垂瑛
留賓筵而盡餘歡每躡躡而舞我也

啟乳銘 并序

韓生弘以瓦鼎示予制極古而可愛余曰此從何而
得曰得之於帝辛之故墟然不知其為何制也余曰
此殷之乳鼎也即為之銘曰

惟殷墟廢已久代所居止野叟歿而葬此何有其為
物故商埴千年後見白日乳至四宜螫螫萬有生皆
此出取為形穀琢壁媿龍觥飲而食秋澗銘渾沌鑿
韓生藏深夜壑後來者見必作

贊

老人星贊

月帔雲衣金支翠旂御星駢而凌沆瀣騰淵耀而表
明時爛祥光於萬丈湛南海之清輝我見我出為瑞
為禧歷朱方而朝北極况皇壽之無期何南山之鞏
固等昊天而峻齊然後廓壽域兮無際挈斯民而溥
躋倚蓋霏霏蒼茫曷歸貝闕珠宮群仙與嬉歌東皇
而遠引隨升降而入氣機但天容海色渺不可以涯
涘兮眩朝日之重暉

先君思淵子畫像贊

德之厚其所受也全學之博其所守也專材刃恢恢
利周物先占氣斗問世之龍泉卒之臨大事以益辦
曾何以惠文而為嘖望之儼然即之温然治之隆污

持衡以權一言吏師世有可痊孰謂神而化之之妙
托丹青而可傳耶

王內翰寫真贊

捭管蕭君示出承旨內翰寫真木庵師題贊其上似有
所未盡者因為之贊云

充氣之粹方與材無忤靈襟之廓兮以道為腴延譽
在龍門之上視草冠玉堂之虛及其物則見百里之
寄其托輔則可六尺之孤天步改玉婆婆兩都悵
蒼蒼之秋色鬱喬松而未枯尚能賓扶桑之出日振
人文於燼餘見之丹青清風穆如人徒知百年之遺
老我以謂中朝之鉅儒彼晬然而容盎然而春見於
眉睫之間者固非山澤之臞也耶

鮮于純叔寫真贊

遙遙華胄，立靄令聞。沆水之集，其源濔淪。老成雖遠，而典刑今見。予人髯踈而秀心，吉而仁，藤白而冠紗。烏其中，豈見夫身外之身乎？但知仁者之必壽，其風姿落落，百歲猶畫中之真也。

麟叵贊

喻羸叵，朕承腹背，負厥角，挺奇骨，列太階，職盟滌。今歸于我，研與匹，薊門市南，冬日得滄溟之波，浩無極。挹彼注茲，泚我華茲，拚殊絕，旌直德，子孫寶傳，金玉式。

泉泉老人畫像贊

德與學專，行為立傳。是之謂有年，雙瞳炯然，蒼髯戟

然人目，曰山澤之仙，庸輕知抱長孺之直，甘泚澗於門邊者耶。

范文公畫像贊

堂堂范公，三代之佐，致君澤民，盡夫在我。曰義與仁，經綸之具，篤信力行，曾不易慮。受知裕陵，千載一遇。其施幾何，貞我百度，信信羣言，激公而去天下之事。匪材莫為，遭時富材，中斯固之治，止斯耶。由教奇耶，再拜公像，涕洟咨嗟。

垂崖公真贊

堂堂益州元精之傑，用智馭權，以氣達節，在德克剛。得吏之訣，其抹時也。若垂崖而極，經綸其摘，姦也不鈞，鉅而洞窟穴，噫太華之雲，清淮之月，豈無開心大。

履火藝較以出處此兼善而彼獨索宜公平生日新
事業皂裘褐衣有將之威我拜公像清風凜而悠悠
九原愛莫起之

呂仙翁真贊合道陵祕府物今為王簽省
家藏

元精貫中老不息先生煉形與之一氣機出入我所
乘世間甲子管不得有時變現稱劍客三江五湖風
袖碧江雲紅爛岳陽樓醉飛星馭散金蚪騎驅歎上
長安道來看西風渭水秋古人事業垂不朽八表神
游欲誰友乾坤况復一洪爐萬古消沉竟何有先生
遺照滿人間已是真筌不死傳只須袖裏青蛇氣夜
夜人驚在斗邊

駭華駝圖贊并序

馬之有駭猶人表之異常也昔骨利幹貢馬百匹中
有駭者太宗愛之親為製名曰決波駝又秦胡公有
乘馬號忽雷駭此馬毛質時異豈骨利之遺種歟故
供奉官圖形以獻見方物一嘗之盛云
吁神驗骨相殊振蒼雲散華軀供帝閑馭虬鬚歷八
極塊清都非所覩三品芻有物制喋不舒絡青絲伍
髯奴終奮鬣躍天衢君無癡茲畫圖

填星神像贊

坤元之精積而上曜厚載之德至靜而妙爛然黃明
有歲之兆儻繇像之其神杳杳冠著牛首類其順也
手縮方袂取乎填也非夫知鬼神之情狀者何以則

其奧隱也

二十四大儒贊 并序

堯舜之道得孔子而後明六經之旨俟諸子而後發
逮秦火燔蕩先王之迹一向熄滅而天理之在人心
者何嘗有一息之間斯哉漢興諸儒挺出如董生刻
向孔安國毛萇揚雄魏稱鴻碩斯皆摘奎之光發輝
孔壁探聖之幾取訂口傳致興學立官文風彬彬可
謂盛矣然六經之旨有師授而無傳者東漢已來師
說並行馬鄭賈何服虔王肅之流罔羅衆說正誤刊
繁流藻箋註復使聖道粲然如大明當空蔑不耿昭
以之斯國論建民極有不可斯須離者至唐踵七代
之衰理地文弊道統益微及韓愈氏出以道濟自任

隄障末流廓清義路蓋皇皇如也故人儒位置終之
以昌黎伯者良以此歟若夫 三才彌綸元化

前世比

圖像列配神庭 為不刊之

至元癸未冬十月齊府廟宮兩廡繪事告成

明靈儼然如在爰作贊文昭揭於上庶幾乾端坤
軒豁呈露聳齊人之敬為邦家之光也

左立明

麟經垂憲百王是繼素臣筆傳日星益明文開史統
立咀華英儼景同翻永播休聲

穀梁赤 封襄伯

聖道群用見有深淺赤也明經辭清義婉漢儒推轂
大開學館繼我國政論益光顯

公羊高

封臨淄伯

麟出魯邾筆終史削公一再傳若聆狗鐸宜其資深
裁辯辭謬折衷群疑匪斯孰托

荀卿封蘭陵伯

金聲絕響詭辯縱橫蘭陵著書吐辭為經憤彼譎變
欺去迷民性惡之說有激而云

伏勝封乘氏伯

秦火驪坑儒厄斯極天不沒公俾副孔壁渾灑之義
垂範後王賴公口授帝道復光照耀齊國文奎煌煌

毛萇封樂壽伯

風雅三百一歸無邪絃歌音形孰為傳耶溫溫樂壽
漢初名家訓傳首出遂正而葩敦厚之風永燭幽遐

高堂生漢博士封萊蕪伯

秦尚法制禮喪無幾雖堂生當炎之始
國容有顏會弁澤宮赤舄凡凡
官儀

孔安國封曲阜伯

書出漢初壁傳口授古隸未分詎免訛漏天開聖孫
以傳以定帝制復明翼我國政

戴勝封楚丘伯

曲臺傳經有千其儀戴君發揮其詳可知履之則癸
惇焉來違煌煌天序相我民彝

劉向封彭城伯

彬彬中壘帝胄惟英授經草諫力扶漢傾已志伊鬱
聖學崇明驚冕玄端山立神庭

楊雄 封成都伯

有漢鴻儒述作之賢
體易之妙行夫太玄
快聖之心繼成法言
大醇小疵其然豈然
惟寂惟冥天祿之閣
出處西問其何以作

何休 封任城伯

高也傳經心深而文
秦漢而下莫闢其門
任誠解詁堅守如墨
開戶免脫破碎陳敵
駁我漢事會歸其極

鄭眾 封中牟伯

喧啾梁門師也威鳳
志棲阿閣學明三統
皇皇使華漢鼎取重
諒夫通材中藏大用

馬融 封扶風伯

扶風氣象博精群集
噴如鄭賈執經在席
暢我休風

彬彬文質尚想絃歌
漢南之國

盧植 封良鄉伯

海山沉雄精貫斗極
篤生大儒文武之特
以道事君以經翼國
歟佩赫然氣掩群愚

鄭玄 封高密伯

秦燔六經天理曾熄
漢興諸儒臆說雜出
司均網羅刊繁正誤
箋注皇皇流藻終古

服虔 封滎陽伯

卓越九江清介不羣
雅材文論為世所珍
任城巨敵左氏忠臣
光邁漢彥蔚乎其間

賈逵 封岐陽伯

偉哉侍中好問而博
通明四經大肆厥作
網維國論

張皇帝學東觀石渠光寵於燦

杜子春 封緱氏伯

周官大典興王之迹制古辭約我解我釋入海穿深
薄霄透碧品物詳明千載是式

范甯 封新野伯

藻發儒林學淹墳藉嫵世浮虛著論詣寶盤盤學
臺膠庠大開至今豫章有來群材

杜預晉大將軍開府儀同三司當陽侯贈
司徒

堂堂征南經制晉室衽席金革研精麟筆學方武庫
立號經癖有開後來理順水釋緊公存歿懍恍靈氣
我曰猶龍焉取虺異

王肅魏衛大將軍太常蘭陵侯贈司空

猗歟子雍英發妙年書易陽秋傳列學官制刊朝典
秩煥郊壇汪汪東海截觀其瀾

王弼字輔嗣魏尚書郎封偃師伯

龍出河圖經成三聖輔嗣窮幽軌旋坤靜漢說多門
唯公取正伊洛淵源流光與盛

韓愈字退之唐吏部侍郎封昌黎伯

維天有文公材命世曠義滂仁黜邪鯁異世溺方深
力以道濟百折彌堅死而後已倒影滅沒藐不可企

文中子

顯允文中希聖之徒闡教河汾宛然泗沂斤斤隋文
不足與事挾策歸來心醉經史曰魏曰房曰杜曰李

學傳聖心有樂有禮貞觀至治有三代風論夫源委
先生之功千古而下與唐比隆

鍾氏先世畫像贊

為柳人大明作

顯允鍾公肇跡自秦金季家衛以財發身闡樓弁圃
照映河濱優游卒歲壽開八旬維嗣強矯結髮從軍
奮提干將屢收戰勳釣臺雪漬死節酬恩伊怨之父
地化其文憤志讀書行比鄉鄰陳力漕府克公克勤
是知善繼述者豈無其因不道積德與崇仁故培之
厚者其發茂浚之深者其流湑嗚呼鍾氏之子孫能
不封植其本根也

趙曹州昼像贊

宓子宰單鳴琴在堂琅琅玉音齊魯之鄉流清芬於

異代得趙公之循良峩冠忠文貯書撐腸不竊榮而
易素守曾格物而恃己長貳政兩州治績章章字民
折獄仁恕內將體春陽而休煥孰如秋荼之繁昌觀
兩漢之卿相自卒史而朝劑以材以術公其可方固
沉底於下位浩淵流芳未央維嗣善繼乘驄奮驥慶
之所鍾于焉厚儲匪槐棘而就列將禮文之有光天
何啻簪白華而飛簡華之霜也

九公子畫像贊

史開府子名禕喜莊列學屢為萬夫
長有時麻衣草屨以散仙自號

銳目豐頤氣貌魁竒被褐懷寶有儼其儀出紈綺之
間無豪貴之習抱夷惠之志蔚熊豹之姿齊物我於

一致感盛衰之無時其或戴遠游之冠甘元氣之委
駢將軍之馬掃干將之霓欲生臯比玄談四馳提筆
揮洒以邀以嬉歛凌雲之劍氣等尺鷃而蓬飛恥以
藝進與時推移希達人之大觀每先事於幾微與其
身之外樂何若心之內怡是則散之為僊見於丹青
者如是又何計騰寓說而橫氣機也試將瀕而為問
恐吾言之庶幾

漢諫議大夫王章博士朱雲贊并序

孝成之朝劍履間健者猶百位然挺身為國直言忠
諫者誰歟蓋當時軋綱紐弛威福柄移赤伏陰凝堅
冰日至獨能痛國統之將微憤中外之單弱毅然與
天子合謀屬具臣矯朝曲以社稷大計為言殺身犯

以成其仁者在漢二百餘載之間唯仲卿與朱游二
人而已何忠直剛果之氣寥寥如是哉論者方以下
量輕重陷於刑戮為譏吾恐為人臣者不以容身保
祿是耻將何以為訓作諫議大夫王章博士朱雲贊
其辭曰

天厚之剛百折不撓履霜而冰解之當早漢至元成
國統中熄陰晦陽精九廟不食劍履群卿孰非遠識
坐祗淪胥摧歸外戚厄會中來詎容人力公豈不知
言出禍入殺身成仁臣子之職彼牛衣言固非所恤
諤諤南昌感公奮激抗書申明路開忠直三復斯言
寫我心感

博士朱雲

維皇有師禮自天秩動靜安危以物以則矧惟中材
性可善惡俟我儀刑狂聖迺作安昌師漢腹心之疾
竊我崇高容奸隱隱社稷大計莫此為亟雲位下僚
自任稷契犯顏嬰麟為漢藥石諫蚩弗行彼氣則折
攔檻嶙峋我舌不結少師劇軀龍逢挺節以分以職
於死為說並游無慙終古有烈

巖子陵贊

漢有天下本以霸興陵遲世季其弊莫勝光禹阿腴
雄歎狂鄙元成以來逆風而靡維炎中熾故人作帝
先生慨傷為漢砥礪潔哉一已訓彼四方碩惟可如
萬世之光幽幽富春渺渺桐江釣絲裘褐終焉徜徉
是則采理之道先生助治者其維皇哉噫

漢議郎田疇贊

炎漢淪精群雄盜起士昧所擇依強而已附表臣曹
風從雲委倖而有成終焉自免堂堂幽州志在安劉
信我大義掃清國仇先生委質名正言順報以國使
力扶衰運間閔歸來大事已去君讎未復吾將孰與
躬耕故山有死無貳白狼之役諒非本志是懲是膺
摧以濟事何以明公龍盧之封繫以千駟祿之萬鍾
曾不少脫肯樂其躬嗚呼智如荀或識似田豐明不
自保竟始終凶千古而下死堪與風

抵腕贊 并序

郡譙門兩振下有石獸左曰抵右曰腕為狀特異隱
其齒而吻張萌其角而顛兀頂髮雲委垂卷西瞻世
傳殷宮中故物自衛縣移置於此放之集韻云秉心

甚靈蓋忠直獸也彼物爾得氣之偏者也何以識其性之云然以屈軼指佞神羊觸邪麟趾厚而不踐虎螭仁而有威是以忠與直可得而推也其所以表之以為立儀者古人制物有所取而垂戒焉蓋忠者衛上之謂直者不軌之稱此則臣子之所固有而所當為者物能如是可人而不如獸之云乎作牴牾贊贊曰

吁奇厖三代制噴其德與獸異體具存神則逝逐比干而下遊悲獨夫之狂獩牴芳挽芳無效麟之出非時兮使吾域面而反袂

西溪真贊

秩秩其德睟睟其英天稟之厚固非學之所能用晦

而明與時偕行愚常與公從事雅量有餘曾不知趙張之讒閔豈鷹隼迅擊終不若鷺鳳之和鳴也我贊公像庶幾典刑道義視文章為重雲箋同富貴而輕至于生也順事沒而吾寧嗜為丹青可得而名也邪

雪堂普仁真贊

柳州序浩初讀書樂山水有文章父子咸為其道泊焉而無求噴於惟印組為務以相軋者遠矣

道行貞純初不絕俗機鋒洒落即之可親苦空任汝膝之雪處心探濟物之仁草坐容身雨花繽紛雷音淵默歎伏鳥馴咄此圓神澹如凝雲耿金粟之孤影笑人間之幾塵愛而贊之蓋浩初一流人也

中書左丞許公真贊

古人以道濟為任者時雖見於行藏心不間于微著於皇先生道深絜矩以希聖為心律已為度上明君道之方下易薄夫之慮危言立朝聞者悚懼公于斯時屹傾波之砥柱非天下至誠其孰能與瞻拜公像魁然真輔奉璋峩峨其儼而裕至於体用一源先後有叙試以中元之治較之見論思與機務念公平生其丹青可得而喻也耶

醫學教授趙公仲康真贊

洹水流潤太行唯峩篤生異人司時之虛顯允趙公被服委蛇道高而施博昧明而智多世以醫名者衆如公之醫中而不頌護養氣元玉池生波攻以峻劑

我禁我呵鬱為有詳之以弋俟其半衰濟之以和開壽域者五十年良声番番其所以得于公者如是被之贊歌知陽報之有在福子孫而為那也

王子明傳贊

古人稱殺身易成事難雖然事有大小公私之間如不有已私專以公心除天下之害此其成尤為難能而可重唐代宗以萬乘之權群公鄉之謀至取一家奴宛轉畏懦不敢明言竟以盜歸之而觀者之即可謂壯矣

手植夏禹像贊并序

衡岳有怪栢一株世傳夏禹手植長沙温將軍得斯木一枝堅勁蕊芬愛仰不已以為神明之物也刺帝

像以奉之亦子臣歷舜九疑叫雲蒼梧之義也求潤色於余秋澗王憚拜首稽首而為之贊曰

疊穆神禹玄功格天見之羨壙况手植之所刊帶不
下而道存体雖微而儼然所謂歛之管窺浩浩淵淵
嗚呼三代吾不得而見之得視斯像固足以揭吾之
處是將同啓石而不朽耶抑以與九疇而共傳也

田仲漁先生益贊

言論固樞機之先作行在士大夫為重卓越田公二
者錯綜氣無虛談才見實用翔游侯伯之間擬擴香
林之供幅巾橫策掉首吟諷下常鄒蒙之辨說有以
卜先生之定動於戲文獻不足以柯為棟載瞻遺像
安得不有人物眇然之痛

栢溪主人張仲和真贊

堅以持其心直以養其浩用是二者以全純孝得其
時而濟斯幾安其貧而取遠效其樂也融融為行也
慤慤氣溢而和兒儼以肖豈惟壽考芳康寧永以為
鄉黨後來之教

趙瓠瓜寫真贊

丹頰秀眉踈髯方曠目朗炯欲曙之星氣吐若垂天
之蜺畧施為而見底蘊據懷卷而藏器機曩也為平
津之上客今而乃瓜田之布衣注酒蒲瓠既此鷓夷
醜雞笑瓠天之舞醉袖拂西山之低越起躡嚙尚肯
效曼畦之病為浮雲富貴軒冕塗泥况尺鷃享鐘鼓
之樂游談到六印之繫卧元龍之樓下覺許汜未全

痴也

耆杖圖贊

先生姓馬氏名天昭字雲翰涿州介休人自号師易老人丁丑歲壽八十有一德維懿其存則不謂之命氣維克其定也能勝乎天故衝風之火易熄溉旱之禾有年而况有道君子者焉矯矯先生匪曲而全靜以仁樂健為德先應獵無夢絕韋有編通而得夷忠之介然而契消長之推何軒冕之可累豈山林而後噴氣精而鶴壽松貞而歲暨故得甲子幾七七之數乳陽符九九之玄道與貌粹峙而停淵儼乎若介石之鬱茂滄芳如素沚之淪漣方吾道之如線賴此老之康延豈造物者畀西河

南陽之壽固將為斯文無窮之傳也耶

趙徵士畫贊

君名佺字仲器多巧思精藝術今年六十有一自號鈍軒逸皓所謂隱居未志行義達道者也祖贛字景道家大興之穴窻里金建春離宮在焉常有詩題學舍壁間云折脚鐺中烹白薺打頭屋底看青山道陵春水過見之為賞識左右以公鄉名對召見殊加優礼仲器公之曾孫也

蒼髯于思叟瞳炯然勁逸鬱幽燕之氣端倪曠太易之玄挫止其銳鈍而名軒曾於物而不滯浩習中之

一天是謂建春徵士之後其青山秀句猶隱見於眉
暎之間也

故金滎陽令傳輔之畫像贊

其父霖明昌刑期進士行部臨漢沒於
王事

玉潔含光蘭幽藹芳孰為氣機貞溫而良我嘗陪公
杖屨 徜徉冲善為植德之本揮遜厚周身之防見
之丹青衣冠堂堂維玉田之傳其家文物尚髣髴明
昌之煌煌若子若孫既行慶以襲吉天將見再世而
昌也耶

韓御史畫像贊

晦其明而於物也周以旋介而通其於事也曲以全
神湛秋水願如渥丹藹藹蔚和愉之氣怡怡為孝友
之賢施之有政其達固然同我冠于身府愛謬節之
孤騫所可見知者如是其不可企而得者殆丹青之
默然而淵也

渡水十六羅漢贊為聖安容老賦

誰吮澹墨作佛事顧頴含光開太始稽首尊者十六
相金沙灘頭渡淵水魚鼈異獸同一家背負鱗浮供
役杖碧蓮泛灑百花小西脚何曾踏泥滓法身化現
烟孤月海風吹墮千江裏補陀巖竇室香濃滄浪石
上觀生死白毫光滿海面岸航此洪濤悲一壺玉溪
老子出示余意匠經營親說似禪機已落滌淡中我

今試下第二義九年面壁度竜象一日西歸携隻履
菩提樹下喜相逢拍板高歌聊尔耳

香木琴贊 并序

南海石隱禪師合沉檀二木為琴絲而撫之其音克
諧有不讓於楛梧者改生得之以珍異丐余文以贊
之其辭曰

繫琴之胎以桐為材製自虞氏其來邈哉斷以香木
南海之僧絲而理之有嶧陽之清物逐所好歸之伯
寧脫爍爐之融液拉玉雷而為朋藹然雜芬菲之韻
琅然泛韶濩之聲嗚呼琴乎學者寡而其將孰聽倘
鍾期之與遇又何當一再行也

刘巨川簽事真贊

事機之勢非才則務施天贊之美逢時則道行於維
刘卿志氣濔閣臺閣肇建鸞書應徵豈惟夜書快吏
見稱又佐府幕游刃發矧人奉承而不暇我持難而
肆能致駕五馬心奚以榮律身束吏明倫恤刑陟而
提憲風動百城塞帷聳其瞻之美控拳無虛搏之名
抵九或迅盤根莫就天或假年蔚為名卿宜大用而
乃靳殆收功於嗣與卓彼二子力振家聲彰纓若綬
荷天衢亨將見一日千里騁駿足而躡雲鵬也

黃洛老人畫像贊

猗歟趙公以古為徒燕居磐石定力有餘萬坐前陳
付之一壺身心翛然浮雲太虛自號曰黃洛散人世
指為山澤之臞見於序文者如是吾說試嘉遊之自

如不屈山林匪樵匪漁安我素分而與道俱醉以酒而適意晦其明而內娛壽幾九齡健不杖扶有子有孫簪纓仕途天之報施善人也合若契符甚矣吾衷愛公起予拊卷慨歎遂歛衽而時書

軟背椅贊 并序

昔李山人詔隱衡岳得虬松一枝即形作椅名之曰隱和終莫能曉其何義故左丞史公之子假予是其其安四體養老妙意有不可勝言者絕而細之以軟其背把而執之以駕其肘至包承臂臂曲盡其宜甚矣工者得老者安之少者懷之之道意欤名之曰軟背且贊之曰
咄此為具其製非一坐從背峻侶恭而踏傍無兩把

予時安適而最苦者磨隱偃脊未若此君溫柔籜篔譬彼姬姜擁抱而息不高不亢老者所仰愛從何來
藍輿之狀

管幼安濯足圖贊

天下有二道出與處而已然審時處已有未易言者先生遭三國雲擾蹈海而東高尚其事如度之致禮以加敬丕之遠聘以拜官皆恬然若無所聞所謂隱居求志行義達道者也至於嘯傲物表澡洒溪流特一時閑適若歆輩俾進履拱扶猶恐自污抗疏代位此何理哉自惟老繆待罪翰林赤日長驅會集寓館背汗浹流喝而欲暗歛挹清風豈勝愧仰乃再拜稽首而為之贊曰

吁先生古逸民素所友夷惠倫傲狐瞞東海賓著皂
帽蹋碧粼尚恐染三臺塵若歆單進履徒破壁手乃
敢污抗疏請代三孤味平生何足誅百世下孰知己
儵然心見終始大起予有蘇子

古燕印贊 并引

參政何公世家易州常於燕丹廢城中耕得圖書小
印雖百枚制皆殊一曰以所得者贈予形如方斗其
文曰韋宙宙唐昭宗時宰相豈古今人姓名有偶相
同者耶入 手摩挲甚可惜也作斯贊以答雅厚其
辭曰
燕有國八百餘維易容與故都按壁壘見雄圖萬組
印雜簪裾人與骨朽已無耕墾間獨得渠一粒小丹

砂如其文宙亦盛夫紐岑樓或龜跌纍纍多一皆殊
彼斗大黃金塗懸肘後擊賊奴氣虽豪空淪昏三摩
澤重嗟吁猗叅相好古徒知澹癖為贈予何所誌道

四子問孝圖贊

天地之經其維曰孝魯人所瞻巨室是效四子致問
庶幾要道因材為篤聖荅各異發藥其偏從容和氣
思煽皇風永錫厥類怡聲粹色玉佩華裾表之丹青
清風穆如嗚呼安得一天下之慮宛同是圖

梁太師王彥章畫像贊

堂堂太師勇冠萬夫曾精甲之幾何破南城於一呼
三日奏捷素果不逾大厦將仆一木可扶衆且碩望
我誓捐軀蒼髯糲糊目光炬如戰酣歸來氣鬱犀渠

惟孝與忠同歸異途繫錦囊之三矢與長矛而不殊
宜乎文忠之筆大書特書不一書而已也吁

荆珍母王氏真贊

嗟嗟母氏恩斯勤斯自期寸章庶答春熙况復身後
有養何施履霜濡露感懷歲時嗟嗟母氏健幹而慈
奉已以約保家之肥致家之完乃有今日我食我衣
皆母之力曖曖停雲泉水湯湯我思母氏何日而忘

重華鼓琴圖贊

幽幽深山玄德聞芳二女墜降瀉水春芳軌健坤順
其道恒且久芳袵衣鼓琴固若我所育芳手揮五絃
正始此其時芳琅然玉音一氣為之熙芳爾然和鳴
鸞鳳以之儀芳衣垂手拱其道本於斯芳升道蒼梧

恍莫從芳淚迤湘筠思何窮芳噫

故處士牛了齋真贊

眼高一壺舌本懸泉噴唾珠璣孰為後先樂育自好
以全性天生也順受沒吾寧為彼顏渥而觀野服脩
然尚知為鴈門儒將之裔庶幾青山白雲之仙也

故翰林應奉陶珉溪真贊

貌古而氣清言訥而行純此見於外者皆曰儒之醇
若夫該貫經史筆幹千鈞玉佩瓊琚大玩斯文足以
泛珉溪之雪浪追顛軒之絕塵然綸恩甫沾而不祿
壽斲固於七旬天之報施果何有於善人哉弁朱衣
正笏垂紳雖未及直玉堂之署尚知為元貞辭翰之
臣也

房星贊

粉色黯淡雙絲浮絳冠箕如柱釵緜陽環夜半海氣
湧火輪欲上鞭金虬赤貌躍入玄閔幽殆侶戰勝寒
雲兜千金漢將非吾儔中令化筆通神謀冷風拂巫
寒颼颼 大德四年臘八日作

房四星為明堂布政之宮亦四輔也下一星
上將次次將次次相上即上相所以理陰陽
正教化南二星君位北二星夫人位又為四
表中間黃道之所從為天階又為天閔南閔
曰陽環其南曰太陽北閔曰陰環其北曰太
陰亦曰天廐亦曰天馬主車駕南星曰左驂
次左服次右驂又主開闔畜藏之所也

松化石贊

燕城趙彥清家藏

伊石與松秉彛堅潤雲華根節鱗皴挺勁儼駢童之
淵潛蛻康溪之深濬伊良震之交感化而為他山之
璉逮霧巖之玄豹隱錦編而如狀水大清華坤靈藉
重氣變無方靜含妙用物貴異稱金鑑玉振習焉不
封於秦今也罔言於晉但摩挲而三嘆非張華而孰
綜然室無滯而不富况殊方之奇貢嚮為山人隱和
之具今作仇池怪石之供一線爐熏霽若雲翳栩栩
蝶去夢繞神清之洞

蛻齋劉先生真贊

先生諱思齊燕人

猗歟蛻齋玩肆蟠蟻擴充家傳資深善誘愛波瀾之
老成宛黼黻之締繡曾管窺於一編竟韞匱而莫售

我瞻遺像氣豐而節一官廣文祿才升斗挈簞瓢方
屢空曾戚否之何有嗟共盡而奚言豈獨哀於吾友
蛻齋初與胡國瑞同年登第中統初為中
書省掾後辭歸為彰德路學官卒

秋澗先生大全文集卷第六十六



秋澗先生大全文集卷第六十七

翰林遺藁

增謚睿宗仁聖景襄皇帝玉冊文

臣再拜稽首言伏以

至德雖名於穆亂坤之大孝思罔極有嚴

祖考之稱稽遺美而載揚廼守文之先務弘宣

令問茂對

耿光伏惟

睿宗景襄皇帝秀拔神支淵潛龍德

英武內根於仁孝

溫文外表乎謙恭

先事而謀



臺灣國家圖書館, NATIONAL CENTRAL LIBRARY, TAIWAN, R.O.C.

臨機善斷當軍國
撫監之際赫風雲
冊伐之功川蜀
威加宋人為之褫氣鈞臺
戰捷金源遂不能兵
闢土宇而靖中邦胡炎圖而降寶運策勲天府歸美
皇靈方
請命於上蒼思保安於宗社祥開
後聖光啓皇元致今日之隆平蓋
孫謀之燕翼惟天縱其
睿智故
澤流於子孫爰伸凝慕之誠虔舉增

徽之典詢諸輿議允協至公謹遣某官某奉玉冊玉
寶加上
尊謚曰
仁聖景襄皇帝廟號睿宗適守
先猷仰
聖靈之如在式垂
歆鑒降福祉以無疆

追謚

先太子冊文

皇帝若曰於戲故

皇太子某天姿玉裕茂德淵冲

朕紹纂丕圖仰遵

太祖聖武皇帝遺訓以爾世嫡元孫譽望攸屬爰從
燕邸正位春宮愈貴能謙居貞益慎又夫聽政揆叙
有方至於睦親昆仲無間尊師問道日御經筵視膳
候安時詢內豎佐予秉理惠彼小民方念神器匪輕
投艱有託豈期

前星掄耀永隔幽明日居月諸懷思曷已比者大臣
敷奏宜易名奉祀光崇彝典今遣某官持冊賜爾謚
曰

明孝太子永昭遺懿式慰

朕懷尚冀明靈歆承寵渥

皇太后玉冊文

維至元三十一年歲次甲午五月朔某日嗣皇帝臣

名御謹稽首再拜言洽萬國者莫隆於孝治揚懿德者
必著其徽稱洪惟我幼冲人嗣無疆大歷服率先風
化無尚於斯恭惟

太母聖善懿恭睿識遠慮力行善事陰賜及民隆孝
敬於

先朝軫憂勤於內助宮壺仰其規範宗族化其肅雍
誕眇躬而底于有成翊燕謀而俾登大寶

深恩至德蕩焉難名匪極鴻一作推尊曷伸至願載惟

昭考已升祔於宗祧言念

宸闈宜大崇其典禮庶幾均報仰答

恩慈今遣某官謹奉玉冊寶上

尊號曰

皇太后伏惟

皇太后殿下端處福宮誕膺顯冊儀

母儀於四海德配坤元期

聖壽於萬年祥開神筭永資

慈訓保我子孫臣誠歡誠抃稽首再拜謹言

改元詔

朕祇適

先猷 嗣承丕構訪予落止在夙夜以靡違永言孝
思闋歲時而憎愴惟春秋之謹始寶古今之成規適
屆履端聿新紀號可改至元三十二年為元貞元年
咨爾有衆體予至懷

手詔侍郎楊大淵

省表具之朕恪守王封邊膺推戴即位之始不遑康
寧惟爾遠戍邊陲久服戎政身外心內來陳賀章宣
加寵答之辭以勵忠貞之節故茲詔示想宜知悉

詔罷東平路管民總管兼行軍萬戶嚴忠

濟

爾父承 國家興運左右將士同心戮力封植東平
屹為名藩我

祖宗嘉爾父之功乃建為侯自爾嗣位又二十年
朕初即政命復襲爵往即乃封敬之慎之其脩德砥
行自立名節勉圖後効無忝先猷十七日戊寅巳刻
上臨軒親諭諸路總尹遂以前東平摠管嚴忠濟弟
忠範為東平總管仍戒之曰兄弟天倫事至於此

朕甚憫焉今予命爾王茲東土非以訟受之也彼所
責匪輕敬哉今而後苟不克荷非若汝兄幸而免也

授賀某宣諭大理國制

幼懷竒節筮仕昌時及知遇於

先朝遂撫綏于大理楊威絕域昔收定遠之功服事
彤庭屢抗伏波之請宜旌前効俾煥綸章汝其宣暢
皇猷洋溢方外爰體綏懷之意以安遐邇之情轉為
招徠式副所托

宣諭大理及合刺章俾還本土手詔

嘉汝等遠自雲南導從選鋒轉戰千里直波鄂渚以
達於此勤已至矣今者俾爾各還本土以遂厥性優
賜各有差

姜貞入手詔

神以知來智亦藏往言念長江之邁未嘗一日而
志遐想仙標載勤駟傳雍容大厦論用復於細糴寂
寞巖扃雲暫辭於故隱春寒遣書指不多及

追封皇國舅按赤那演濟寧王謚忠武制

制曰疏恩異姓無踰王爵之崇追冊元勳况在世姻
之懿典禮所逮存亡靡殊故皇國舅按赤那演天挺
英姿志宣忠力當

祖宗造基之始為股肱佐命之臣衍慶軒星儼輝

宸極惟勛闕之茂著冠威里以獨高朕紹述丕圖養
懷世德宜錫大邦之號仍褒壹惠之文可進封濟寧
王謚曰忠武於戲議協明廷庸布

絲綸之命澤流後裔永昭泉壤之光尚想英靈歆此
寵渥

皇舅濟寧王妃制

制曰爵以德崇既建真王之號婦因夫貴俾隆藩國
之儀眷我外家德昭

祖母誕彌

聖后作配

先皇豈惟內助之多光溢徽音之熾是宜管形曄燁
象服委蛇顧予冲人獲紹前烈禮崇報本心焉敢忘
可追封濟寧王妃與對邦休服茲寵數重衍姻親之
懿永膺伉儷之榮泉壤雖幽歆承罔昧

贈謚故光祿大夫左丞相都元帥阿木制

制曰功德兼隆其所及者既遠存亡靡間故為報也
必豐廼眷元勳豈同常品故光祿大夫中書左丞相
都元帥阿木挺英將種作世虎臣爪牙兼信布之材
韜畧合孫吳之法惟重厚克膺其委寄故謙恭不有
其智能當

世祖之恢圖自元戎而宣力奠我南服隱若長城秉
持旄鉞者三十餘年出入行陳者百五十戰奮身不
顧忠如皎日之明愾敵無前勢若迅雷之擊載揚我
武飛渡長江佐收一統之功名出諸將之右繼將明
命遠震邊庭威方暢於

皇靈訃遽聞於瀚海朕承

先猷而祇懼念王業之艱難鬱爾風雲追惟往昔優

加卹典開勸後人官資超極品之榮封爵建大國之
號於戲麟臺畫像豈惟宛轉於丹青甲第賜書庸示
昭光於窀穸可特贈開府儀同三司太尉并國公謚
曰武宣精爽如在不昧欽承

太尉并國公夫人某氏制

平章政事卜鄰吉帶毋別連真氏父為於運宗臣嘗
有功於社稷夫亦折衝名將屢宣力於封疆位陟中
台慶鍾賢嗣惟是數者萃於一身其存歿則俱榮蓋
始終之鮮儼况內德壺儀之著而婦規母訓之崇錫
之以翟弗之章賁之以銀黃之飭沛殊恩於既往示
深勸於將來在邦彛皆所當然於世教其或有補於
戲脂田肇啓獨垂範於兩宗蘋饋相承尚流芳於百

祀可贈并國太夫人

追謚司徒華公制

制曰節惠易名恩禮備飾終之典依光毓德風雲非
一日之期故具官某稟性淑均處心貞亮眷
昭考當岐嶷之際侍內庭多傳翼之功奉事
兩宮勤勞有日爰念卹潛之宿望特班邦教之殊階
謀參密近而屢効忠誠位極崇高而愈形謙謹朕方
外于大寶將圖任于舊人已聞歌露之悲可後蓋棺
之議鼎湖未遠想陪
仙馭之游泉壤生光洞賁綸章之寵可贈金紫光祿
大夫謚曰忠懿有來精爽不昧欽承

追謚賽平章制

制曰人臣罄奉上之忠恩卹奚分於今昔國家有飾
終之典光揚亦賴於子孫於惟閔閔之家况復風雲
之契某官某儀刑西域柱石中朝以文武之長材蘊
經綸之大業爰從潛邸早識
英資而天圖回每沃於淵衷度量獨高於天下四川
分陝

朝廷無西顧之憂六詔行臺 郡縣奠南服之理福
星霖雨動應時祥和氣嘉聲撫綏殊俗念匪躬而盡
瘁每當饋以興哀朕祇奉

先猷循忠遠卽位兼將相德全始終况爾孫支光緹
家訓弼予孝治進貳文昌用推錫類之恩寵以上公
之號於戲鑄金圖像豈惟專徽於前賢告第頒書尚

冀傳芳於來世可贈某官某諡英爽不昧其克欽承

賽平章國夫人誥

國治固先於家齊古今匪易婦秩諒從於夫貴典禮
攸宜某官夫人某氏婉自名家嫺我賢輔循法度而
供壺職以恭儉而相夫勞委佗儼象服之尊恭懿融
管彤之美以正以順如山如河主饋宜家綿休積慶
夫延登於鼎昨孫進貳於文昌不以輝稱曷彰內助
仍易小君之號榮偕品極之封於戲德容尚肅於舊
儀誥光焉有煥脂澤載於故壠世祚彌昌可封某國太
夫人謚某號主者施行

追謚故都運梁公通憲先生制

制曰望壘思賢臣子無古今之間顯親盡孝國家有

推獎之崇矧茲文憲之傳薦我世臣之舊資德大夫
中書左丞梁暗都刺故曾祖金中奉大夫司農少卿
陟早登科第顯歷仕途履正奉公才優國計持難抗
節身為大閑在先儒耆德之間有泰和能臣之譽經
綸事往道義日尊流澤遠及於子孫致位有聞於鄉
相克宣忠力勵相我家不有郵章曷勸來者可賜謚
曰通憲先生於戲老成雖遠典刑猶見於國人寵數
惟新潛德載光於泉壤尚期英爽不昧歆承

太子少傅竇公制

傳經明道既輔立太平之基崇德報功烏可後非常
之典故桓傳致臨雍之敬而甘盤動憶舊之思古今
雖殊典秩不異故翰林侍講學士竇默業尊周孔學

際天人詢治體以綱常為言論人臣以功利為末侍
謀帝幄劄功多文貞之風論相中書慷慨見陽城之
烈而又三代建國明倫是先惟西池儼籥羽之儀故
東序擴人文之化風移俗易一變虛文地闢天開載
明正學迴眷兩朝之耆德寔為
先禰之宮師稽考規模夢寐風采是用榮分三事光
融邦教之階恩賁九泉瀟洒玉堂之契有來精爽服
我寵靈

夫人賈氏誥辭

天人之際若弗可知禎祥之來各以類應凡祖宗父
母尊榮壽考未有不以善而致者具官某夫人某氏
婉從清望嬪我儒宗恭儉以相某夫勤恪以成其子

珩璜中節藻薦多儀清白傳家管彤有煒宜爾從夫
之貴寵膺華郡之封鸞詒副加服我休命

追謚賈博見赤制

負鼎于時既逢其

明主當饋起嘆有懷於昔賢某官藩邸近臣

中朝耆德適際風雲之會素多監掌之功割烹調和

迺其常事威儀進退曲盡恒規允侍

殿庭望高德度方舊人而圖任遽薤露以興哀歲月

雖深德容如在抱茂陵之弓劍婉孌何窮悵華屋之

几筵未照

勅奠近因廷奏大需

恩章可加贈某官謚曰某嗚呼授寵數以如生幽明

岡間顧諸孫之行慶福祉方來慰我老成含嘻泉壤

追謚忽林赤制

揚徽內職固有籍於世臣追錫親榮迺式遵於彝典

某官高閎集慶美行裨身早以謙恭光聯侍從藝則

名而威則隸責於已而功於人出入禁闈者幾三十

年主典玉食者何百餘事忠勤奉

上夙宵在公每多燕饗之儀何止割烹之技方

廷章之宣姜遽朝露以溘先可贈某官某謚嗚呼祇

奉仙遊悵同翻於儼景流光泉壤尚垂慶於後人魂

而有靈歆我寵數

進呈

世祖皇帝實錄表

臣某等言臣聞典謨述堯舜之功合名顯著方策布
文武之政義問宣昭粵自漢隋及夫唐宋咸有信史
以貽後來况大業豐功震今耀古惟深善述首議丕
揚臣等誠惶誠懼頓首頓首洪惟
世祖皇帝仁孝英明
睿謀果斷爰從

潛邸有志斯民植根幹而佐理皇綱聘耆德而講明
治道始平大理再駕長江過化存神有征無戰迨其
龍飛溧水鼎定上都革弊政以惟新擴同仁而一視
規模宏遠朝野清明內則肇建
宗祧創設臺省修舉政令登崇俊良外則整治師徒
申嚴邊將布揚威德系服蠻卷加以

聖無不通明靡不燭守之以勤儉朴素養之以慈惠
雍和收攬權綱綜覈名實賞罰公而不濫號令出以
惟行萬彙連茹群雄入彀削平下土統正中邦慕義
嚮風聲教奚湖南之暨梯山航海職貢無遐邇之殊
方且開學校而劭農桑考制度而興禮樂

國號體乾坤之統書畫煥奎壁之文罄所有而醜戰
功不待計而救民乏聽言擇善明德緩刑歛福錫民
遇灾知懼得洪範惟皇之理迺周宣條政之勤以致
時和歲豐民安吏職蓋

帝德克周于廣運故至公均被以無方可謂文致太
平武定亂略繼

一祖四宗之志兼三皇五帝之功開天建極者三十

五年立經陳紀者二萬餘事以
謙讓弗違於備紀故纂修未至於成書欽遇
皇帝陛下夤紹詒謀厲精

圖治亟鑿觀於 成憲思適駿於
先聲深

詔下臣俾為寶錄宅心

宗祐凝孝羨牆開館局而增置官僚

敕群司而大細圖籍編摩既富搜訪加詳採摭於時
政之編參取於起居之注張皇初藁增未見於罕聞
承奉

綸音俾蠲繁而就簡俯殫管見仰體

宸衷盡略虛文一存寶事其饗會征伐文物典章聚

焉列三代之英蔚爾開萬世之業與夫才德孝廉之
士忠良姦佞之臣版圖生齒之點繁財賦畜牧之富
盛謹依條撮粗致無遺今具所修成

世祖聖德神功文武皇帝寶錄二百一十卷事目五
十四卷

聖訓六卷九二七十七卷謹繕寫為二百七十秩用
黃綾夾復封全隨表上

進

宸房臣某等忝構台司幸膺盛典顧惟載筆才何有
於三長勉進蕪辭慮庶幾於一得冒瀆

聖聰不勝兢惕臣等無任瞻

天望

聖激切屏營之至謹奉表陳
進以

間臣 等誠惶誠懼頓首頓首謹言

元貞元年六月 日開府儀同三司中書右丞相

監修國史臣 等上進

聖壽節賀表

至元十四年丁丑代
中省作

伏以

龍德御天協千載休明之運星虹流渚開九秋震夙
之祥正朔所頒臣民胥慶欽惟

陛下長策遠御敷斷有臨九經制於宏規思光昭於
先業修振古未修之典集

累朝未集之勳獨運神機載揚戎武削平六詔無好

大喜功之心混一三吳見伐罪弔民之舉治道已隆
於貞觀風聲仍邁於漢家尚深闕政之虞屢致迺衡
之問詢謀元老懷保小民體群臣敬其所尊免包徭
以之固本而又禁酒酤而重民食憫兵餘而肆

赦恩動順輿情咸躋壽域繫爾至元之盛德優於行

葦之深仁屬節屆於誕彌適躬臨於巡省臣某等久

承鈞軸列侍瑤墀

一作分司蘭省
阻列黃階

愧無金鑑之封章

切効露囊之微悃鳳來儀而陪舞聽簫韶九奏之音
禋拜手而揚

休祝

天子萬年之壽

甲午賀正表代中省作

伏以寅宮建斗洪鈞轉一氣之春

漢殿稱觴大禮重三朝之慶衣冠環拱文物昭融惟恭
皇帝陛下乾健萃精睿思作聖頊皇綱而開大統備
百度而冠前王澤既洽於域中威復加於海外
中天而立躋世於平以富歲民惠免逋懸之賦先春
肆赦

恩深寬大之書繫至治之惟馨致

上天之伸祐

端臨正旦光動多儀受圖籍而膺貢珍醢臣工而湛
春酒臣某等率先列辟拜舞揚休政與時新萬有遂
生成之樂
壽從天恪八秩開億兆之祥

大都城隍廟設醮保佑青詞

伏以天監雖高曾易顯思之命基圖寅紹敢忘奉若
之誠爰自君臨頻歷年所顧眇躬之上託致至理之
維艱豈期外侮潛消復荷天休茲丕災風朔雪大開
一統金穰王燭屢致豐年而又雲靜祁連春回沙漠
晝日有平安之報霜風無偃簿之虞匪涼德之能然
皆

聖靈之所佑迺即青陽之月恭修金籙之科誥演琅
函真臨玉境尊含景蒼精之駕覆垂雲洪蔭之仁鑿
茲報謝之虔重以保持之福干戈止息永惟四海之
清邦國榮懷亦尚一人之慶如式

至元三十年崇真宮設醮齋意

大元

皇帝紹隆丕構撫御多方欲期中外之安致有憂勤之慮爰資道蔭用介福寧擬於今月初三日就大都崇真萬壽宮設金錄醮筵二百四十分位消日既良預期以告

青詞

伏以纂承有在擴

先業以丕隆撫御攸寧皆上天之申佑况年齡之向邁資福蔭以彌深念茲一己之微事有萬幾之重邊聲雖捷軫慮良多精力自如過勤或倦而又四氣交更而無不順盍多生感受而未免乖和敢殫禱謝之誠普冀

神明之相潛消災滯滋至天休

素履安舒符乾剛而不息皇圖鞏固叢景福以惟新無任愧禱之至

祀廟樂章

無射宮之曲 昭成

於赫

皇祖 睿智聰明天扶

一德海毓群生

文經武暢治定功成禋祀無期昭垂頌聲

無射宮之曲 顯寧

天啓

深仁頌世而昌追惟

顯考敢後光揚儀尊謚美禮備音錡
皇靈鑒止降釐無疆

祝文第一室

於赫

聖武開運立極

啓迪後人奄宅萬域

繼體守文爰及眇質

大位昭升 陰相之力奉薦明禋載祗載式尚祈

顧歆永深 燕翼

第二室

丕顯

睿祖載揚我武左右

禰昆香定區宇慶衍 本支 紹纂基緒

嗣服惟初禮湏告祀

延洪幻冲 永錫繁祉

第三室

明明

我祖神聖無方武定文綏于

先有光運開大統德冠百王

仙馭漸遠攀慕奚極祔廟奉安縉典是式

燕翼如在 英靈日赫

第四室

於皇

昭考神靈在天民受陰賜餘二十年不

饗其位眇躬是傳追尊

徽號永言奉 先爰用昭告齋慄揭虔尚奠

申佑寶祚綿延

登明亥元神

維神 摠劾成功 尊臨陰位適承 歲德爰誕

眇躬屬秋仲之佳辰致嚴裡之菲奠仰祈

昭格永荷

神休

歲星木照星

維神 象緝玄穹 祥開下土直茲歲事相我

冲人恭伸默禱之虔爰即絳宮之閔庶憑 陰佑聿

底丕平

柳宿胎星

維神光臨 初度獲 纂鴻圖顧惟涼薄之躬萃集

簡穰之福近因多故致祭幽壇尚冀 精英更隆安

吉

新舡落至祭歲君文

成舟委波謂之落至維神灼知一歲之事况彼中河

轉致厥載上下安輸非神曷賴

修五門前橋祭歲君地祇文

應門將將前臨天津 玉輅所馳虹梁必陳爰構爰

締築之醜陜神維垂祐迄于有成

五方帝祭文

因方殊號尊以帝稱殿臨五部有赫其靈維橋之作

鞭石駕梁尚冀擁衛大來百祥

擬禁酒詔

漢賜大酺歲有常數周申文誥飲戒無尋况糜粟者
莫甚於斯崇飲者刑則無赦近緣春早朝議上陳宜
禁市酤以豐民食朕詳思來奏寔為腴民可自今年
某月日民間毋得醒造酒醴但天物暴殄重傷時和
其或違者國有嚴典悔其可追故茲詔示想宜知悉
中書省牒宋三省文

中書省劄該爰自

聖上即位之初重惜南北生靈之故一視同仁首主
和議故遣信使講信修睦往年征進大軍即令各還
本屯仍嚴勅邊將非奉

上命毋得妄動行人銜命以戎來更歲律寂無來音

何哉不惟有失忱辭反啓邊釁以致攻圍我上蔡侵
軼我鄧鄘襲華陽擾隨州劫掠真陽數犯漣水此皆
出於使軺已入彼疆之後將和而戰得無異議乎夫
信與義自古所恃以為國者也一旦棄捐自有任其
責者矣向也

大駕巡狩北庭以平內難今渠魁授首已於正月廿
六日還宮飲至頃因行臺入覲

陛見之日具以

奏聞請重兵盛境以問其故五月初五日奉

聖旨此一事發端自我姑待之省府仰體

聖上仁慈尚存兼愛恐拂初心弗允所請且夫

朝廷大計已定此特有司之事耳今就委本路發使
詳問焉若復遲疑不決秋高馬肥至日別有區處當
司依奉。省劄令差詔議官崔明道兵馬副都李合
義充詳問使移文淮東制司即今。國使安在何稽
留不發并節次侵疆之役具由回示以憑呈省施行
請早示定議據此須至牒者

順德府大開元寺重建普門塔碑銘

國家以神武戡定區夏際海內外悉主悉臣其所以
尊顯釋教彌綸元化者方徃昔為最重于以推弘濟
之深仁歟無量之眾福續大寶錫群生躋六合於仁
壽極樂之域豈特崇奉而已哉順德府大開元寺爰
聖天子潛邸迄於自

御極持護寵錫者前後非一至精藍淨眾特

命近臣主領不與佗寺比三十年間續光起廢集于
大成主僧崇嚴以寺之大緣寔肇基寶塔今雖雄峙
雲衛未有紀述何以壽無盡藏之傳至元丁丑秋懇
輦真國師以其事請于

朝制可命奉御脫烈傳

旨翰林院定撰合立碑文者臣謹按提點僧崇湛具
列事蹟寺舊有塔曰圓照癸酉之兵燹焉逮

國朝辛卯萬安恩公來主函丈始圖興復其感驗灵
異有神化無方者初公既祝髮心印佛乘機蟠利用
鍊形辟穀面壁安禪結習於臨城者五年建緣於清
泉首有日演法出無礙妙辯濟物現當機應身至回

邪入正卻火返風雞悟靈而咏香牛馴致而受戒寒
泉復智并之波斗粟周衆僧之供復以慈善根力愈
竒疾極危厄人藏髮餘珠垂舍利潔庖秦而侍館穀
代公私而息繹騷其感化方便人叵具舉第以菩薩
目之以致遠邇隆嚮願言依歸及廟役興得能仁觀
音舍利三顆光大殊常又易塔心柱礎因風自正故
勲貴豪富鉅商世農施獻輸給同竟事緣金幣梓材
不期而輦至藝巧工能不率而子來風動雲委畧無
虛日不十稔疊構重簷輪奐離立文階層所勢乾坤
軸藻拱璇題翬飛塵外若乃紺瓦麟差金輪眩彩覆
法雲於真境曜慧景於康莊絢爛勅盪若金光明中
現無量化佛仰之者火宅晨涼耶之者重昏夜曉誠

法界之寶宮河朔之傑觀也甯經始於重光單闕之
仲春斲手於上章困敦之秋孟簷十有三崇六十仞
其工與費不可殫紀癸卯冬師拂衣禪室歸寂真空
即日有雨水冰之異塔位石像亦但化流潤若潛焉
出涕者及歛大衆聞空中來妙音樂聲雲光變幻環
刹成五色樓觀中現三大士像至有升塔投空攀號
者其具戒門資萬數內嗣祖傳法解三藏教沙門今
亦千計其為世宗師感慕者蓋如此己酉歲嗣僧崇
朗因大保劉秉忠奏疏請
聖上為大功德主遂嘉納焉且聞師梵行清修乃遣
近侍護葬及建塔賜銘謚曰弘慈博化大士
勅寺額曰大開元寺塔曰普門之塔爾後累降

綸恩優護瞻卹靡不備至其紹化住持曰崇潤嗣傳
住持曰崇朗崇悟崇瑀至崇嚴九六代初緣清泉淨
土寺乃大士宗姪崇音住持云臣竊聞大雄氏之教
以清淨虛寂為心方便慈悲為用愍念大千眾生墮
落苦海洪濤鼓風漂流無際世尊心運慈航拯溺度
厄俾登彼岸歸淨土正路又慮一切愛慾有迷悶終
不覺其本來真心者故假象設教閱庵靈歛至理絕
人區事出天外弗余奚能傳悠久而警悟萬憶劫邪
牽堵波之建假教高顯極矣然道自人弘功繇緣立
非遇間氣傑出智慧開濟大士疇克弘通法海鋪敷
教基如是光大者哉宜為
聖天子終始崇奉如一特

詔賜銘以昭永世臣某拜手稽首而獻銘曰

釋迦挺生自西域 靈山玄風暢無極

經從白馬肆金光 法本誠心歸利益

仁王應世憫言湮 大千淪流苦海厄

教因象設濟無邊 塔廟龍宮爭湧出

開元大士弘慈公 五載雷轟奮禪窟

法音演出琉璃筒 建此道場化所服

高標尖地跨蒼穹 一日雄尊三百尺

雨華天風韻流鈴 師雖示寂此長舌

聖皇錫號曰普門 臣今思議何惻怛

要欲手絜闍浮生 躋彼仁壽極樂國

臣聞大德必得壽 佛應回施無量福

蘿圖鞏固等称盧
聖子神孫千萬億

秋澗先生大全文集卷第六十七

秋澗先生大全文集卷第六十八

翰林遺藁

擬中書省賀河清表

伏以天開昌運統一車書地應休禎河清陝洛如式
恭惟

皇帝陛下德昭天漢思溥淵泉履露何止於中華洋
溢遠霑於方表以致潤涇九折鏡淨兩涯自陝至汜
幾千里之遙由乙至丙逮三旬之久鱗介之泳游可
鑑山林之形影皆分躍圖馬於龍宮未容專羨舞
夷於鱗屋時出効靈顧茲上瑞之方增特表

吾君之至聖臣某等叨居華省幸覩榮光敢傾蔡日
之誠用代辭人之頌遐荒嚮慕百川宗滄海而王寶

蘿圖鞏固等祢盧
聖子神孫千萬億

秋澗先生大全文集卷第六十七

秋澗先生大全文集卷第六十八

翰林遺藁

擬中書省賀河清表

伏以天開昌運統一車書地應休禎河清陝洛如式
恭惟

皇帝陛下德昭天漢思溥淵泉履露何止於中華洋
溢遠霑於方表以致潤涇九折鏡淨兩涯自陝至汜
幾千里之遙由乙至丙逮三旬之久鱗介之泳游可
鑑山林之形影皆分躍圖馬於龍宮未容專羨舞
夷於鱗屋時出効靈顧茲上瑞之方增特表

吾君之至聖臣某等叨居華省幸覩榮光敢傾蔡日
之誠用代辭人之頌遐荒嚮慕百川宗滄海而王寶

祚洪延萬壽等丹立之固

又上澄下徹光昭四表之平國晏民安永益万年之壽

擬聞捷賀表

天網雖疏曾恢恢而有失罪人斯得迓穆穆之來平
外侮既消頌聲交作臣某等誠歡誠抃頓首頓首恭
惟皇帝陛下仁含動植德婉生成振長策而用三驅
念天顯而惇九族荐雷之震遠驚而通懼大風之舉
歌動而雲揚側聞喜自於日邊豈止威加於海內臣
某等職叨省署阻奉
鑿與竚目龍旂遙伸虎拜歸牧武成於周馬歌功美
邁於唐鏡

六轡言還春動兩都之和氣千官飲至歡騰萬歲之

霞觴如式

中書省賀正慶八十表

甲午歲

伏以明堂受籍萬方歸一統之尊神策探祥八秩開
大椿之首稽諸前古曾未多聞中賀恭惟

皇帝陛下德本至仁天申顯佑維神聖之廣運致功
業以獨高粲然萃三代之英蔚爾創一家之制與天
立極躋世於平我澤我威洽平南而暢乎比曰聲曰
教漸于東而被于西方且通達下情蠲除積負肆
赦恩而哀矜庶獄扇泰和而煦育群生宜福壽之眈
如川方增見寅畏之心維日不足端臨元會光動漢
儀舒化日於中天湛露恩於春酒臣叨承
睿眷久侍瑤階脩位秉鈞何補馨香之治捧觴上

壽永膺億萬之年 如式

中書省賀 尊號

皇帝壽八十表

伏以廣二億而輪二億萬方歸一統之尊
春八千而秋八千

六葉開大椿之首稽之載籍曾未前聞恭惟

憲天述道仁文義武大光孝皇帝陛下

德本至仁天申純佑繼

一祖

四宗之業兼三皇五帝之功

燕 昭謀動從民志以

太孫撫軍而重安國本以新河轉漕而通惠畿民建

大學而首善京師

清中書而杜絕群枉緩回

鑿輅省秋斂而即田功至顯

前光纂武圖而修信史惟

聖神之廣運納

福壽於方來神嵩屢聽於三呼箴祖莫多於八百顧

茲鉅典稱慶宜先况盛事之難逢幸微生之親見臣

某等職司蘭省喜倍輿情順考百王寶光千古翰誠

報上區區歌天保之詩以億祈年永永同洛書之誦

又

伏以王正紀月萬方歸一統之尊神英儲祥八秩啓
無疆之等况得春於上日協正氣於四時事盛來并

禮須交慶恭惟

尊號 陛下誕膺景命祇紹炎圖載續三代之英
剗作一王之制繼天立極躋世於平化行鯨海之南
威暢龍庭之北廓廓然可謂無事巍巍乎其有成功
方且以富藏民與免積年之負方春布德肆頒成赦
之恩宜壽祉之方隆見巖恭之克享端臨元會光動
皇儀舒化日於中天湛露恩於春酒臣等率先列辟
拜舞稱觴久侍台階何益體元之政願言洛誦永符
垂億之年

聖壽卽表

伏以日符協夢茂隆探策之祥鳳曆周星方啓同天
之運休徵滋至海宇交中惟謝恭惟

尊號

陛下帝學日新聖模天縱恢章先業垂裕
後昆所欲從民為天立極以

太孫撫軍而重屬世望以新河通漕而倍溢民儲建
國庠而首善京師清中書而杜絕群枉方

翠鑿之田軫慶玉燭之調元敬展賀儀載臨誕卽臣
某等承乏出鉉同秉國鈞愧無鑑之書徒切露囊
之獻

光瞻

比極列衆星環拱之先

壽壽南山伸天保不騫之祝

翰林院聖節賀表

伏以翠鑿回軫屬千官飲至之秋玉燭調元慶萬寶

登平之歲載臨誕節煥舉賀儀中謝恭惟

尊號陛下內極文明外昭桓撥爰從登極之初未嘗以位為樂思章先業垂裕後昆燕貽謀而以之撫軍清中書而俾之端本予以息肩中夏謹度侯藩上禱曰治安者乎煙火萬里而可謂和樂者也尚覬惟新之政擴推不忍之仁包舉遐荒溼濡

聖澤臣等叨居辭館榮列士林敬奉俛觴俯仰虎拜敢希金鑑之誠仰罄神嵩之頌感生土帝歌有商長發之祥壽等南山罄天保不騫之祝

謝授翰林學士表

臣言今日日蒙

恩除臣翰林學士者伏以求賢圖治遠邁

哲王養老乞言誠為重事况

聖代方文明之盛在禁林須超逸之才如臣者學術素疎桑榆垂晚俾擢升於衆上殆選有於無中茲蓋伏遇

皇帝陛下聖敬日躋文思天縱紹接千年之統光揚列聖之徽舍所短而就所長小成小而大成大敢不疑思靖首益礪詞鋒由外臺而登玉堂固已極當代縉紳之寵約舊章而修信史何敢企高天

日月之輝如式

登寶位賀表

伏以承祧主器已欣曆數之歸助順與能允協神人

之望事光前古運洽重熙欽惟

皇帝陛下

皇祖聖武之曾孫

明孝太子之嫡嗣英武同符於

先帝溫文早著於春宮扈蹕東征躬勤備至撫軍北
邁我武維揚符命自至而呈祥宗盟樂推而同戴既
深丕眷所助宜多覩大寶之昭升將兆民之永賴中
統至元之治行見增隆漢文夏后之賢莫之獨美光
融化日歡沸民謳臣某等文事
先朝備位政府再逢嘉會喜遇輿情景命維新按軒
曆上元之統太平假樂稱瑤階萬壽之觴

老人星致語

伏以太平有象治洽金穰至德無方文綏武暢惟精
誠之上感致淵耀之輝臨臣遠自孤南光融狼北扈
眉鶴髮月帔霞冠遽踰常度之躔來展流虹之慶惟恭
皇帝陛下玉帛萬國庭禱八荒紹

列聖之垂休圖舊人而共政幾先明而聰明齊聖量
包遠而恩澤無遺取憑出丙之微明用禱後天之遐
筭咸躋壽域樂對昌辰南極何深下坤維七十五度
北辰伊邇拱乾位億萬餘年爰捧徽章式伸善頌其
辭曰

天地穹窿一氣益祥開來表

帝皇真九圍覆露堯天大萬有榮懷湯德新報上疇
非思下下推恩反物自親親通明殿裏長生奏願祝

元貞萬萬春

中書左丞姚公制

朕聞

世祖睿臨之久有文王多士之稱如種稷楠而構梁棟之材如積璫瓊而供瑚璉之器而况先朝故老當代名臣良用慨然想見風來故中書左丞姚某生稟淑質世稱大儒爰自

潛藩殆若神授天扶道統力主經筵以聖道而覺斯民燭天理而息邪說智足以達其言行辯足以濟其經綸耕桑開王業之艱征伐佐雲南之舉罷侯置守轉官之制初行論道經邦建極之功斯在是用圖冊左轄羽翼

春宮永惟佐命之勤式贊

承祀之美齋羽東序從容贊傳之嚴綸綵埜門寂寞玉堂之話百身莫贖一鑑云亡開國於營用旌直德可贈某官某謚俯惟英爽歆此寵靈

中書左丞許公制

朕究觀世數灼見天心粵惟有不出世之君然後得大有為之士運符千載道濟一時中書左丞許某爰自師儒遂拜左相用之不惟不重學之不惟不深貞一乃心執持苦節謀謨善斷精識造微既逢堯舜之明用安社稷為悅君聖臣直理明道尊庶幾夷夏之安風以詩書之教衣冠萬國雍容叔孫之儀仁義家剴切魏徵之諫在中統至元之治有永淳貞觀之

風此其效焉功可忘耳而復養英材於國學齊七政於璿璣白首南歸尚深北顧憂來丘禱歡歆柱石之襄人去鑑亡瀟洒風雲之契感時懷德想像其人忍惜卹章俾疏身後可贈某官某謚尚期窀穸不昧欽承

翰林學士承旨王公制

人臣大節忠義為先卹典推恩古今 致故翰林學士承旨王某道德淵深人品峻潔板蕩見忠貞之操文章有正大之風養力息兵貽謀進諫惟軍國正撫監之體將謳歌見曆數之歸白首匡時赤心為國庸示至公之論曾無一己之私而又扶昌運則一代名臣鎮雅俗則百年遺老去日漸遠有念何窮九原之

氣猶生不忘宗社三事之報斯在庶極哀榮可贈某官某謚尚冀英靈服我休命

請上尊號奏草

臣 等言伏見

陛下昭受

顯號今已十年

聖德神功日新一日又

聖壽新歲茂登八秩考千典禮合行再上

尊號上以贊揚

功德之萬一下以罄臣子愛戴歸美之誠謹此奏

聞伏冀

聖慈特賜允許

表 外任進賀

聖壽節賀表 至元三年

電繞中樞寶曆啓千齡之運祥開彌月瑤墀儲八葉
 之冀允在覆臨疇非鼓舞欽惟
 皇帝陛下聰明時又聖敬日躋爰從在御之初未嘗
 以位為樂大度同符于漢祖宏規遠邁於唐文繼
 四聖之丕圖新一家之大典尊崇故老思致隆平委
 任勲賢迭居宰輔文之以詩書禮樂律之以軌度儀
 刑薄賦輕徭省官定制尚側身而修行每前席以賓
 賢察納雅言彌綸元化上所以恢章先業下所以弘
 濟生民允曰云為務從休息分總司而去積年之弊
 更庶尹而削藩鎮之權尊祖配天妥宗祧於九廟敷

文柔遠舞干羽於兩階功德兼隆神人交暢以致服
 前代所不能服臣上古所不得臣東夷航海以來庭
 西域梯山而款附可謂振長轡以遠馭敞中國之至
 仁仰惟極治之難各皆出聖模之廣運載臨盛旦敬
 舉賀章臣等猥領郡符思崇天造進之千秋之金鑑
 遙稱萬歲之霞觴同虎拜以揚休下列阻陪於北闕
 効嵩呼而獻祝膚歌載詠於南山

聖壽節賀表 至元四年

甲觀開祥嗣大歷無疆之服華封請祝罄後天難老
 之期允在壽臨率均呼舞中謝欽惟
 皇帝陛下文思天縱聖憲日新得漢唐經國之權綱
 極堯舜知人之濬哲以岳牧治本也疏之而冊授中

書化源也清之以弼諧尚兼聽以為明每得賢而恨
晚溥軍祿秩優復民田有官荷覆露之恩含氣遂生
成之樂家給人足時蘇歲豐九歌莫被其神功萬事
馴歸於道揆而又順長道而屈群醜推至悌而御多
邦謂本支一出於祖宗重疏恩而立愛江漢終歸於
淵海首繼好以息民由既睦而於變時雍以克肖而
全付所覆春際八荒之壽域天開一統之徵祥瑞屢
見於蒼麟箭罷傳於青海西窮月窟率稽顙以來王
東極扶桑復寅賓而朝日繫爾至元之盛烈於昭曠
古之深仁瑞節載臨賀儀煥舉臣某等心馳魏闕職
限疾藩阻振驚以陪庭儼天威之在上千官飲至傳
聞置酒於南宮萬歲稱觴第切瞻光於北極

兩宮正位稱賀表

伏以正位建儲舉一代當行之典推仁被化遂萬邦
咸喜之心凡在臣鄰同習鼓舞中謝恭惟
皇帝陛下道彰坤順德益離明治首

宮闈基隆

國本著

母儀於天下融

少海之波光謳歌見四海之歸教治豈二南之廣壯
本支於百世聳官儀於一時某等職忝侯藩心馳
象闕徒切煙花之想阻陪鷓鷯之行敢罄丹衷載陳
封事德符寶運拜揚稱三殿之觴慶衍蘿圖綿亘接
萬年之統

聖壽節御史臺賀表

鼎定皇圖接千歲上元之統天開甲觀儲九秋盛德
之祥聲教所加謹呼斯溥中謝恭惟

皇帝陛下堯文天縱湯聖日躋爰從在御之初未嘗
以位為樂躬勤儉德夢想幽贊察納雅言恢弘治道
蕩皇威於北海藉千畝於東郊載崇列聖之鴻基仍
創一家之大典漢官儀之漸復唐治具之畢張尚深
闕政之思屢下邨民之詔內祓災而修行外發政以
施仁明德緩刑輕徭薄稅而天天臨睿智坐折遐衝
昭曠度以無前振長轡而遠馭爰整干戈之事終歸
雨露之恩雲掃黑山孰謂玉闕之久閉春回鴨綠旋
聞滄海之維清既荒外服之功尤盡內修之理繫爾

至元之盛烈於昭曠古之深仁瑞節貢臨賀儀煥舉
臣等等榮叨臺諫懇切葵傾陪稱漢殿之觴仰効露
囊之獻光瞻北極罄封人上願之心壽等南山伸天
保不騫之祝

聖壽節賀表

寶曆膺期接千歲上元之統日符協夢開九秋盛德
之祥稱慶惟均際天所覆中謝恭惟

皇帝陛下離明繼照乾健乘時動順民宜更張治化
未懿德而式序爾位任吉士而勵相我家尚深闕政
之思屢下子民之詔去網更仁於湯祝敷文思格於
苗頑既荒外服之功尤盡內修之理卜營督亢宅壯
陪涼據山河全勝之區得貢賦適中之地干以隆上

都而觀萬國備時巡而禮高年四聰達群下之情一
豫為諸侯之度臣隸榮叨郡寄心切葵傾阻稱漢殿
之觴徒効露囊之獻運鍾北帝祚有商長發之祥壽
等南山伸天保不騫之祝

御史臺賀正旦表

至元八年為御史時作

伏以鳳曆頒春三正協夏王之統鷄人唱曉萬方稱
漢殿之觴品彙冲融衣冠環拱恭惟

皇帝陛下容德乃大盛蹟無前載新出震之權端履
乘乾之位東漸滄海高麗蒙再造之恩西極渠搜葱
嶺多來庭之使國字創一家之制朝章舉曠代之儀
方漢之險何足恃乎高深蓬萊之波旋復聞其清淺
終格羽干之舞姑奉文誥之辭咫尺天威趨承鳳闕

蕩思光於萬里醉春色於九重臣某等久侍瑤階叨
居憲府獻可替否詎能振臺閣之風拜手揚休仰以
祝河山之壽

正旦賀表

伏以玉燭調元蕙英啓堯階之曆椒花獻頌錦封陪
漢殿之觴朝野同歡乾坤交泰

中謝恭惟

皇帝陛下仁涵動植德備廣淵受籍以朝履端於始
爰體春王之月屢頒寬大之書顧軫慮以洪深躋吾
民於仁壽而復開明堂而坐治奉帝藉以躬耕摠攬
皇綱務滋大本鳳城斗轉春迴萬里之農桑紫禁天
開瑞靄西都之雲氣臣某等叨承列郡遠被恩光敢
俯傾葵日之誠仰以効華封之祝遙瞻北闕天威殆